

Պայքար, բայց... առանց աշխատանքի՞



անրահավաքներում ու ցույցերում ազատության բերկրանք ապրելու երազանքով տարված հայ ժողովուրդը չկարողացավ հասկանալ, թե ինչպես հայտնվեց սեփական ձեռքերով ստեղծված փակուղում:

Ճշմարտությունը, երբ ասվում է ինձ նման շարքային քաղաքացու կողմից, ամենևին էլ դատապարտելի չէ, ինչպես «թագավորի մերկությունը» առաջինը նկատած պատանու մեղքերը:

Նոր հիմունքներով ստեղծված հանրապետության ժողովուրդը փաստորեն գտնվում է բարձրորդի վիճակում. ինչպես սեփականաշնորհված մի հողակտոր, որը ոչ տերն է վարում, և ոչ էլ տալիս է ուրիշին: Այսօրվա կառավարությունը կարծես ձեռքը դրել է իրեն հատկացված հողակտորին, ու փորձում է առանց ցանքսի, քաղհանի, ջրելու և լավ մշակելու՝ բարձր բերք ստանալ: Խորհրդարանում ընթացող նստաշրջանները նմանվում են հնձի հավաքված, բայց հնձից ոչինչ չհասկացող հնձվորների գյուղամիջյան բանավեճի, ուր իշխող մեծամասնությունը խեղդամահ է անում որևէ խելոք ու բանիմաց առաջարկ, թեև որոշ ժամանակ անց, նույն առաջարկը, որոշ ձևափոխումներով, բերվում է մեջտեղ մեկ այլ պատգամավորի կողմից և ի վերջո՝ ընդունվում: Ինչ է սա. աչքակապություն, պահմտոցի՞, թե՛ հին, բյուրոկրատական վարչակարգից փոխ առնված ճարպիկ խաղ: Պակաս հետաքրքրական չէ, թե ինչպիսին կլինեն վիճակը, եթե համայն հայությունը ամեն օր հասու լիներ օգտվելու նորությունների ծառայությունից՝ մամուլից, ռադիո-հեռուստատեսային օբյեկտիվ ու լիարժեք հաղորդումներից: Ներկայումս մի շարք քաղաքներից ու շրջկենտրոններից բացի, գրեթե բոլոր գյուղական վայրերում խախտված է կապի բաժանմունքի ռիթմիկ աշխատանքը, ռադիո և հեռուստատեսային հաղորդումներ, հեռախոսակապ ընդհանրապես գոյություն չունեն: Իսկ տրանսպորտային ծառայության գնե՛րը...

Զեմ կարծում, իշխանության ղեկի մոտ կանգնած արդի առաջնորդները, իրենց 1988-ի միտինգային վառ ելույթներում մշակում էին ժողովրդին նման վիճակի հասցնելու ծրագիր, բայց և չի՞ զգացվում վի-

ճակի շտկմանն ուղղված միջոցներ ձեռնարկելու գործնական ու կտրուկ փորձ:

Ղարաբաղյան հարցը ամուր վահան է դարձել («պատերազմ է, խառը իրավիճակ, շրջափակում...»), իսկ երկիրը սնանկանում է, թեև դա փորձում ենք կապել միայն պատերազմի ու Ղարաբաղի հետ: Որոնք էլ լինեն ժողովրդի սոցիալական պայմանների վատթարացման, նրա սնանկացման, հոգևոր քաղցի պատճառները, դա մեծագույն չարիք է: Իսկ ժողովուրդը լռում է, և պետք է, որ ստալծմ լռի. քաղաքային նոխազ չդառնալու վախի զգացումից առավել սարսափելի ոչինչ չկա...

Ես բանվոր եմ, աշխատող ձեռք՝ պատրաստ ստեղծելու, արտադրելու այն, ինչ ներկայումս առաջին անհրաժեշտության ապրանք է կոչվում (իմ ձեռք բերած անկախությունն ու ազատ վիճակը պահպանելու համար): Իհարկե, այդ բոլորը պայմանավորված է նաև ցանկացած աշխատողի ընտանիքի սոցիալական պայմանների բարելավմամբ: Մակայն ինչպես Շահումյանի ու Մարտակերտի ինքնապաշտպանության ջոկատներն էին մատնված բարձրորդի վիճակի, նույնպես և ընդհանուր բանվորության ռիթմիկ աշխատանքն է խափանված՝ ժողովուրդը չի՞ տեսնում այն ի մի բերող, կարգավորող ձեռքը: Երբեմն ասում ենք՝ մենք դարերի խորքից եկող, խելոք, հին, հանճարեղ ու գտարյուն ժողովուրդ ենք, և իրավունք չունենք թույլ տալ վարելու ինքնառոշնջացման քաղաքականություն: Բայց մի՞թե այսօրվա իրավիճակը չի տանում ինքնառոշնջացման: Անցյալ ձմեռը մի կերպ կարողացանք ճանապարհել, իսկ եկող ձմեռն ինչպե՛ս ենք դիմակայելու:

Իհարկե, ես չեմ, որ պետք է մեխանիզմներ մտածեն դրությունը փրկելու համար: Իմ ընտրատարածքի պատգամավորն էլ (Աշոտ Չախոյան) ամենևին նման հարցով չի զբաղվում, նույնն էլ՝ մնացյալները: Յուրաքանչյուր ոք առաջ է մղում իր անձնական շահերը. «Առաջ քո ծառը ջրիր, նոր՝ ուրիշինը»: Ես ներկայացնում եմ գյուղացու, հասարակ ժողովրդի կարծիքը, որը մեծամասնություն է կազմում և, բնական է, չի սխալվում, այդպես հպարտորեն չի դրվատի Բաֆֆի Հովհաննիսյանին՝ որպես դիվանագիտության մարգարիտի:



Արևշատ
ՕՆԻԿՅԱՆ
Բանվոր

Նույն ժողովուրդը ամբողջ անկեղծությամբ հարգում է Գագիկ Հարությունյանին, որպես հավասարակշիռ, իր գաղափարներից չչեղվող անձնավորության, միաժամանակ բարձրաձայն աղաղակում է՝ Առոց Տեր-Պետրոսյանը, իսկական նախագահ կկոչվեք, եթե չչեղվեք քաղաքականակցական պառլամենտ ունենալու գաղափարից: Այսօր հայ ժողովուրդը գտնվում է պատերազմի մեջ՝ նշանակում է աշխատանքը և պայքարը համազոր են: Պարզ է, որ պատերազմ գնում են երիտասարդները, բայց չպետք է թույլ տալ, որ այդ գործին խառնվեն ինքնակոչ խմբեր ու խմբավորումներ: Վերլուծելով մեր ազատագրական պայքարի ընթացքում, կրիտիկական պահերին զոհված յուրաքանչյուր հայորդու պատմությունը, զգացվում է, որ հայ ժողովուրդը կորցնում է իրոք տվյալ գործին հասու ու նվիրյալ անհատներին, լավագույններին: Փաստորեն հայրենիքին նվիրված, ազգի դառը ճակատագրին առավել դիվանագիտորեն սատար կանգնող մարտիկները զոհվում են անիմաստ, անհավասար մարտերում, Արցախի դժվար լեռներում, իսկ քախտախնդիր, աթոռամուլ, միջազգային օրենքների, իրավունքների ու օգնությանն ապավինած անհատներ վայելում են պաշտոններում մնալու բերկրանքը, փնտրում իրենց ապագան առավել լուսաշող դարձնելու ուղիներ:

Ներկայումս ինձ համար, հազարավոր ինձ նմանների համար անհրաժեշտություն է լսել ու զգալ համընդհանուր միաբանության ձգտման լիարժեք կոչեր: Պայմաններ, ուր պայքարողը կարողանա գտնել իր տեղը՝ զբաղվել իր պայքարով, իսկ աշխատավորը՝ վերագտնի իր աշխատանքը՝ զբաղվի իր աշխատանքով: Որպեսզի մեր հայրենի, միակ ու սուրբ օջախում ամուր քաղղատվեն ու սերտանեն աշխատանքի և պայքարի գաղափարները: